

## 青青集

記錄高中和大學生活，我遇見的事與人們。

### 【詞】

#### 〈采桑子〉

雅軒對坐茗香醉，和樂高歌。和樂高歌，興盡金宵，聚少別離多。  
別來心事無人訴，淚眼婆娑。淚眼婆娑，獨飲淒淒，聽雨打枯荷。

#### 〈醉蓬萊〉

望群芳競秀，嫋嫋婷婷，沐香簪髻。捲地春風，引閨人遊思。野草離離，探奇尋勝，與蝶群嬉戲。忘路徘徊，雲叢雨落，舍階尋蔽。  
遠笛悠悠，燕聲相應，止步傾聽，共山同醉。安坐閒閒，竟和衣微睡。夜降星懸，霧盡嵐散，漸月明風細。點點銀光，哼吟輕踏，影蹤零碎。

### 語言交換組詞

#### 〈卜算子〉學日文

安以宇衣於，舒卷纏綿句。萬葉吟哦古咒生，櫻雪紛紛舞。  
振袖擊三弦，驚亂星星步。白鶴輕盈舞老松，月下凝清露。

#### 〈卜算子〉學中文

巧舌捲如螺，平仄難分辨。晨起溫書坐牡丹，遙盼梅花岸。  
負笈渡重洋，紅槭如櫻瓣。夜市紛喧漢字繁，但有人情暖。

#### 〈卜算子〉語言交換

春透小軒窗，木椅相連坐。送暖和風吻鬢梢，綠藤窗邊臥。  
古調縱重彈，卻有新詞和。談興方酣夜幕深，夢續今朝課。

### 【詩】

#### 〈致 C 學姊〉

薔薇舉刺護城堡，外吐妖嬈內婉柔。  
獨看青春隨雨逝，豈知飛燕守殘愁。

#### 〈致 S 學姊〉

一枝蒼木擎穹頂，樹下風涼野鹿停。  
歸雁一聲驚破地，回頭唯見葉飄零。

〈致 W 學姊〉

青苗拔地隨風轉，春氣方興睡意濃。  
初探枝桠葉未展，平心等待綠蔥蘢。

〈致 Y 學姊〉

池邊偶遇蛙鳴響，對坐漫談荷暗香。  
笑對生平甘苦事，風來萍散各飄颻。

〈夏思〉

唧唧知了鳴，翩翩白鷺翔。池畔賞新荷，南風送暖香。  
芬芳薰人醉，恍惚入夢鄉。忽聞遠笛響，婉轉似舊調。  
回首欲尋聲，豈見故人笑。醒時淚滿面，夜涼晚風吹。  
憶昔同遊賞，今日獨相思。相思而離居，團圓未可期。

〈小旗官成長史〉

三月天雨急，背後狂風吼。汗淚紛飛落，人比殘紅瘦。  
烈日炎炎燒，手臂色如藕。暗盼甘霖降，心如肘連肘。  
待到秋穀熟，旗揚人抖擻。回顧所來徑，暢飲桂香酒。

〈失眠〉

颯颯晚風穿廊過，輾轉反側幾欲眠。雲散月出大如輪，星辰低語色斑斕。  
玉兔搗藥響咚咚，嫦娥漫舞步娟娟。銀河溜坡下凡俗，燈火閃爍匯長川。  
隔窗獨對夜戲鬧，再看旭日越東山。

〈聰美〉

芍藥亭亭立，聲如雲雀鳴。  
回眸傾國色，一笑雨天晴。

〈烤吐司〉

白雪冰天地，忽逢大火災。  
麵香氣四溢，處處生焦苔。

〈雪夜歸國〉友千枝歲末返國，於日本玉雪滯空。後謂余此事，余爲之作詩。  
歸國冰天慘，狂風夜怒號。  
紛紛銀雪落，冷冷玉盤高。  
隔海行難進，凌空亂欲逃。  
徘徊鄉淚盡，待霽苦煎熬。